



欽定皇輿西域圖志

ル 5
104
10


十



卷 5

104

10



欽定皇輿西域圖志卷之十二目錄

疆域五

天山北路二

伊犁東路

伊犁

海努克

固勒札

巴顏台

烏哈爾里克

塔勒奇

支那  
所藏

沙布爾托海

博羅塔拉

幹珠罕

阿里瑪圖

烏爾圖古爾畢

博羅布爾噶蘇

都爾伯勒津

空格斯


喀什噶爾圖志卷之二十二目錄

納拉特

裕勒都斯

哈布齊亥

登努勒台



欽定皇輿西域圖志卷之十二

疆域五

天山北路二

伊犁東路。自伊犁東南行。至登努勒台。南踰天

山。接天山南路哈喇沙爾界。東過博羅圖塔克

接天山南路闢展界。東北接庫爾喀喇烏蘇屬

之晶河界。西北接哈薩克界。西接伊犁西路界。

伊犁

伊犁在天山之陰。為準噶爾沃壤。距京師一萬

八百二十里。天山自西南來者。汗騰格里鄂拉。納喇特達巴屏其南。東過空格斯河源。爲烏德音達巴。額布圖達巴。折北而西。爲北路之哈喇古顏鄂拉環其東。東北過喀什河源。折而西爲博羅布爾噶蘇達巴。塔勒奇達巴。博羅和洛鄂拉障其北。三面皆負祁連。而空格斯郭勒自東南來西北流。喀什郭勒自東北來西南流。特克斯郭勒自西南來東北流。至其境東百里許。會爲伊犁郭勒。西流成巨川。西北入巴勒喀什淖

爾。山川形勢。甲於諸部。氣候和暖。人民殷庶。物產饒裕。西陲一大都會也。其俗皆逐水草。無城郭。惟所屬回人。因其舊俗。築城以居。乾隆二十年二月。大兵進討準噶爾。二十四鄂拓克。二十一昂吉。五集賽。爭先迎降。兵不血刃。五月抵伊犁。厥會達瓦齊率萬餘人渡河。追及之。斫其營。以數騎遁。回人阿奇木霍集斯伯克擒之以獻伊犁平。六月。阿睦爾撒納叛。其黨阿巴噶斯等附爲逆。定北將軍班第。及參贊大臣鄂容安死

之將軍策楞以兵追至塔勒奇達巴。阿睦爾撒  
納奔哈薩克。初準部台吉呢嗎哈薩克沙喇以  
內附故。授職從征。二十年十一月。與內附之巴  
雅爾莽噶里克等構亂。將軍和起死之。定邊將  
軍兆惠時方駐伊犁。聞亂。東援巴爾庫勒。中途  
屢殲賊衆。二十二年。以富德副兆惠軍分南北  
路進討。時阿睦爾撒納自哈薩克歸。與富德軍  
遇。復奔哈薩克。富德追之。哈薩克降。阿睦爾撒  
納奔俄羅斯。餘黨以次擒滅。伊犁復定。二十九

年。於伊犁河北建惠遠城。周九里三分。門四。東  
曰景仁。西曰說澤。南曰宣閫。北曰來安。三十年。  
建惠寧城。周六里三分。門四。東曰昌彙。西曰兆  
豐。南曰遵軌。北曰承樞。

御製西師底定伊犁捷音至詩以述事

乙亥

乘時命將定條枝

天佑人歸捷報馳無戰有征安絕域壺漿箠食迎去聲王

師據副將軍阿睦爾撒納等奏稱大兵至伊犁部衆

持羊酒迎犒者絡繹載道婦孺歡呼如出水火自

勞出師以來無血刃遺鏃之

兩朝締構敢云繼百世寧綏有所思好雨優霑土宇拓  
敬心那爲慰心移

御製哀伊犁

丙子

我哀伊犁之人久連遭去歲底定將謂自此永息肩  
而胡么麼密計復煽亂伊犁之人亦相附和爲叛奸  
後旋知悔過欲擒賊渠贖罪誠可憐乃以衆志不齊  
相觀望逆賊鋌而走險攻中堅十餘鄂拓逡巡各退  
遯反致劫擄父不保子夫不保妻遭流連加以爭相  
奪攘爲矯虔强者食弱壯者食幼互暴殘馬牛羊食

以盡野無黃獨室無秬疾疫出痘亡者白沙捐伊犁  
河流爲之赤竟有血人於牙以冀旦夕延王師重入  
匍匐歸者軍門環伊犁之人汝莫歎孰令汝二三其  
志自作孽患勞勞泯泯忘大義民無二日汝獨有二  
天于古有云旣來之則安之余亦焉能屏棄旃爲之  
禁盜劫爲之勗耕田逆賊旣除自今以後汝得高枕  
眠休養生息延數年或得元氣復以全如此而已寧  
須竭內地力萬里惠窮邊

御製花門行

丙子

金定皇朝西域圖志 卷十二  
花門雜種其類繁玉關迤西西海連或居城郭或游牧牧滋畜獵城者田其性均能殖貨產剛勇善戰則鮮焉部落雖殊形貌似哲面綠瞳赤髮鬖大宛卽今哈薩克布魯特近古于闐其他不堪俚指數要視強弱爲歸叛叶準噶爾昔全盛日役使若輩如奴佃令棄故居來伊犁課其引水種稻秬服勞供賦不敢怠詎知隱恨已有年逆渠去歲竊據險回人助之藉少安台吉宰桑心不一逡巡各退遭顛患叶而何逆渠復狼忌謂回人衆其力全不早圖之將受害機事不

密回人先遂攻逆渠渠敗回人還向故土遷拆屋伐樹示不返伊犁荒涼吁可憐地積白骨草木赤腥風吹野遊狐獾一穴構害貽萬億降殃會見昭昭懸

漢書西域傳烏孫國大昆彌治赤谷城東至都護治所千七百二十里西至康居蕃內地五千里東與匈奴西北與康居西與大宛南與城郭諸國相接本塞地也烏孫昆莫擊破大月氏大月氏徙西臣大夏而烏孫昆莫居之武帝卽位令張騫往昆莫中子大祿大祿兄太子有子



金匱要略卷之二十一  
曰岑陬。太子死。大祿攻岑陬。昆莫與岑陬萬餘騎。令別居。昆莫亦自有萬餘騎。國分爲三。大總羈屬昆莫。得尙漢公主爲昆弟。昭帝時。車師與匈奴共侵烏孫。宣帝初。匈奴復擊烏孫。遣校尉常惠使持節護烏孫兵。後元。貴靡爲大昆彌。烏就屠爲小昆彌。漢復遣長羅侯惠將三校屯赤谷。分別其人民地界。大昆彌戶六萬餘。小昆彌戶四萬餘。然衆心皆附小昆彌。烏就屠死。子拊離代立。爲弟日貳所殺。子安日爲小昆彌。日貳

亡阻康居。漢徙己校屯姑墨。欲候便討焉。後安日爲降民所殺。弟末振將代立。末振將弟卑爰寔。共謀殺大昆彌。比附康居。謀欲藉兵。兼并兩昆彌。哀帝元壽二年。大昆彌伊秩靡與單于並入朝。漢以爲榮。至元始中。兩昆彌皆弱。魏畧西戎傳。車師後部轉西北。則烏孫本國無增損也。

魏書西域傳。烏孫國。在龜茲西北。其國數爲蠕蠕所侵。西徙蔥嶺山中。蠕蠕傳。始有部衆。自號

柔然。後其部分爲二。緼紇提附衛辰。討之蠕蠕。移部西遁。旣而社崙執匹侯跋子。收餘衆亡依高車。斛律部侵高車。深入其地。遂并諸部。西北有匈奴餘種。盡爲社崙所并。其西則焉耆之地。熙平中。西征高車。大破之。禽其王彌俄突。殺之。盡并叛者。高車傳。高車。初號爲狄歷。北方以爲勅勒。諸夏以爲高車。丁零。其種有狄氏。表紇氏。斛律氏。解批氏。護骨氏。異奇斤氏。高車之族。又有十二姓。一曰泣伏利氏。二曰吐盧氏。三曰乙

旃氏。四曰大連氏。五曰窟賀氏。六曰達簿干氏。七曰阿崙氏。八曰莫允氏。九曰俟分氏。十曰副伏羅氏。十一曰乞袁氏。十二曰右叔沛氏。先是副伏羅部爲蠕蠕所役屬。太和十一年。豆崙犯塞。阿伏至羅等率所部西叛。肅宗初。彌俄突與蠕蠕主醜奴戰敗。禽殺之。部衆悉入厭達。經數年。彌俄突弟伊訇復國。大破蠕蠕。後與戰敗歸。其弟越居爲蠕蠕所破。子比適又爲蠕蠕破。越居子去賓自蠕蠕來奔。封高車王。旣而病死。

隋書突厥傳突厥阿史那以五百家奔茹茹。有阿賢設者。率部落出于穴中。世臣茹茹。當後魏之末。有伊利可汗。擊鐵勒。敗之。襲茹茹。破之。弟逸可汗。又破茹茹。弟木杆可汗。擊茹茹。滅之。西破挹怛。西突厥傳處羅可汗居無恒處。然多在烏孫故地。復立二小可汗。分統所部。一居龜茲北。其地名應婆。唐書突厥傳突厥國于後魏大統時滅。後其地盡入回紇。始其族分國于西者。曰西突厥。其先

訥都陸之孫吐務。號大葉護。長子曰土門。伊利可汗。次子曰室點蜜。亦曰瑟帝米。子曰達頭可汗。亦曰步迦可汗。始與東突厥分烏孫故地。有之。西雷翁海。南疏勒。北瀚海。回鶻傳回鶻俗多乘高輪車。元魏時亦號高車部。或曰勅勒。訛爲鐵勒。其部落曰袁訖。薛延陀。契苾羽。都播骨利幹。多覽葛。僕骨。拔野古。同羅。渾。思結。斛薛。奚結。阿跌。白霫。凡十有五種。皆散處磧北。袁紇者。亦曰烏護。曰烏紇。至隋曰韋紇。臣于突厥。太宗幸

靈州鐵勒十一部皆來。武后時突厥默啜方強。取鐵勒故地。後稍不循。梗絕安西諸國朝貢道。後骨咄祿毗伽闕可汗南居突厥故地。悉有九姓地。九姓者曰藥羅葛。曰崛羅勿。曰貊歌息訖。曰阿勿啗。曰葛薩。曰斛嗚素。曰藥勿葛。曰奚邪勿。與僕骨。渾拔野古。同羅。思結。契苾。六種相等。夷後破有拔悉蜜葛邏祿。總十一姓。號十一部落。

元史地理志諸王海都行營於阿爾穆爾

舊作阿力

麻里今等處。蓋其分地也。自高昌五城西北行

四五百里至阿爾穆爾。至元五年海都叛。世祖追至阿爾穆爾。則遠遁二千餘里。令勿追。以皇子北平王統諸軍于阿爾穆爾以鎮之。

明史外國傳衛拉特

舊作瓦剌。今改正。

蒙古部落也。在

韃靼西。又巴什伯里。

舊作別失八里。今改正。

南接于闐。北

連衛拉特。

按漢烏孫居天山北。與匈奴接壤。南臨城郭諸國。即今準噶爾部也。至元魏時為高車。隋

爲鐵勒。唐爲回鶻。回鶻自唐末散處山南。卽今回部。至蠕蠕。突厥。並屬胡種。與高車鐵勒回鶻異族。魏書西域傳。稱烏孫國在龜茲西北。是烏孫於元魏時已西遷。龜茲以東爲匈奴餘部。高車所據。蠕蠕主社崙亡。依高車。旋破其部。復西侵烏孫。拓地至龜茲西北。此蠕蠕盛時。與今準噶爾全境相倣。突厥世臣蠕蠕至元魏末。木杆可汗。又擊蠕蠕滅之。隋書蠕蠕作茹茹。傳寫之異也。後分東西突厥。割

據烏孫故地。是今之準噶爾。盡有西突厥地。東境則猶屬東突厥也。天寶初。東突厥地入回紇。五代迄宋。聲教不及。元代幅員西北最廣。應屬諸王行營統軍之地。明時衛拉特。當韃靼西。巴什伯里北。南與于闐相直。與今準噶爾部方位適合。明史舊稱瓦剌。卽衛拉特譯音之訛。尤較然可信。今按其全境。凡歷朝史傳所載。方位事實。可考而知者。已分見各條。而伊犁舊屬準噶爾庭。爲疏其全境沿革大畧。

系此以備考。其古蹟之專屬伊犁者。仍如各條之例。詳著於後。

〔魏書西域傳〕龜茲國。漢時舊國也。北去突厥牙帳六百餘里。疏勒國。東北至突厥牙帳千餘里。〔唐書突厥傳〕突騎施烏質勒。西突厥別部也。以伊麗水爲小牙。其地東隣北突厥。直西廷州。烏質勒死。其子嗚鹿州都督娑葛。爲左驍衛大將軍。襲封爵。〔地理志〕嗚鹿州都督府。以突騎施索葛莫賀部置。

按唐書載突厥射匱可汗。建庭龜茲北之三彌山。龜茲卽今庫車。三彌山卽今庫車北境之汗騰格里鄂拉。華言天山。南去庫車三百餘里。以魏書龜茲國北去突厥牙帳六百餘里之文證之。是突厥牙帳當在三彌山北也。今汗騰格里鄂拉北二百里。卽伊犁境。南去庫車六百餘里。與魏書龜茲北去突厥牙帳六百餘里之說合。則伊犁爲射匱可汗庭無疑。自賀魯破滅。地爲突騎施所有。以碎葉川

爲大牙。伊麗水爲小牙。碎葉川。卽今圖斯庫勒。伊麗水卽今伊犁郭勒。是伊犁又爲突騎施。烏質勒小牙也。烏質勒子爲嗚鹿都督。則其地入唐爲嗚鹿都督府可知。又按魏書西域傳載悅般國在龜茲北。地方數千里。衆可二十萬。與蠕蠕相仇讐。數相征討。眞君九年遣使朝貢。據此則悅般國在龜茲國北。今伊犁在庫車北。又當爲悅般國地。疑突厥未滅蠕蠕之前。伊犁爲悅般國地。後其國爲蠕蠕

蠕所滅。是以并滅烏孫。斥地至龜茲西北。而蠕蠕復爲突厥所滅。射匱乃建庭于此耳。

海努克。

海努克在伊犁郭勒南二十五里。舊有佛廟。噶勒丹策凌建。與固勒札廟俱爲喇嘛坐床之地。乾隆二十七年建小堡一于其地。

固勒札。

固勒札。舊對音爲固爾札。在伊犁郭勒北二十里。舊有佛廟。噶勒丹策凌建兩廟。喇嘛坐床者。

四。令五鄂拓克輪值供養之。阿睦爾撒納叛。諸喇嘛附和爲逆。旋爲阿睦爾撒納所掠。乃各散去。廟燬於火。乾隆二十七年。築寧遠城。周四里二分。門四。東曰景旭。西曰環瀛。南曰嘉會。北曰歸極。城東岡上。建立平定準噶爾勒銘伊犁碑。後勒銘伊犁碑各一。恭勒御製文四體字書于其上。

御製固爾札廟火用唐韓愈陸渾山火和皇甫湜韻並效其體

丙子

拓土今踰吐谷渾。奚論邏迺將河源。何來狂童欲竊吞。再整戎車安。輕軒亂之不戢。終自燔師。壓波羅塔。拉原義所動。彼亦履坤。諸鄂拓兵無際。垠狡計近窺。喇嘛垣盜駝馬。逃藉桑門。人思見日。汝蔽嗽名佛弟。子心狙獗如魚背。龍竊友。黿鵬不搏。鷲乃搏。鷲以致遊魂。遠跳奔衣黃。空忝人中尊。固爾札本菴羅園。天人供養莊嚴繁。朝螺暮鼓法音喧。仲氏吹篴伯氏塤。刹竿高標金字旛。胡僧碧眼脫其禪。露兩肩肘及兩臀。羊鹿牛徒示三轅。天龍軍遲屬橐鞬。修羅乾闥挾。



雙幡掃其穢跡風以帑火輪轉法羞脹膳炎官祝融  
 朱雲屯烈飈出穴口如盆鑠金爛石焦窪躄四大誰  
 解無生言那伽此言龍也不為吐水翻有其成之毀必反  
 賓頭盧瞋目雙暖如彼落葉還歸根淨業何有于烏  
 孫創興黃教駢肩跟假藉敬佛示惠恩亦欲貽法其  
 曾元二世滅裂不可援狼貪虎攫難盡論汝狡避禍  
 來謁闡膝前面陳涕漬痕憐汝賚汝安汝魂解衣推  
 食奚汝冤野心借德義何存固應天殛絕爾殮洛那  
 哈即古大宛今各方非世婚去歲劫擄遭爾昆阿睦爾撒納之

兄巴特禡策凌及其黨額林沁相繼奔哈三窟未必

容爾躄小大怨汝奚騰騫亦月申西利復怨銷兵魚

海靖鯨鯢璆琳琅玕貢崑崙四西勒圖何瞽昏固爾札廟

內喇嘛分四牀謂之西勒圖蓋彼之掌教者云助逆不當遭劫焚竭和韓韻

足解煩泰山北斗一仰捫

御製平定準噶爾勒銘伊犁碑文

惟

天盡所覆俾我皇清罔不在宥惟清奉

昊天撫薄海兆庶悉主悉臣叶

太祖

太宗

世祖肇基宅中皇耆其武

聖祖

世宗觀光揚烈克臻邳隆逮予渺躬思日孜孜期四海  
同風咨汝準噶爾叶亦蒙古同類何自外攜數世梗  
化篡奪相仍碩仇其下惟達瓦齊甚毒于醒衆心底  
底如苗斯蝨如虺斯螫衆口噉噉視爾噉止予焦勞  
止期救不崇朝止視爾底止予噫嘻止亟出汝塗泥

止乃命新附爾爲先鋒熟悉其路迺命勁旅攜數月  
糧毋或掠擄師行時兩王旅嘽嘽亦無滌阻左旋右  
抽王旅渾渾旣暇以休烏魯木齊及五集寨度之折  
折台吉宰桑迎降恐後奚事斧吭波羅塔拉闐爾奇  
嶺險如關闔倒戈反攻達瓦齊走且夕塗窮回部遮  
獲彼鼠斯喙地入無隙露布飛至受俘午門爰貸其  
罪自今以始四部我臣伊犁我宇叶曰綽羅斯及都  
爾伯特和碩特輝特封四可汗衆建王公遊牧各安  
宰桑公臣屬我旗籍誰汝苦辛爾恭爾長爾孳爾幼

徐以教養爾駝爾牛爾羊爾馬畜牧優游分疆各守  
毋相侵凌以干大咎齊禦外域曰布魯特越哈薩克  
醉飲飽食敬興黃教福自天錫伊犁平叶矣勒貞珉  
叶矣於萬斯年矣

御製平定準噶爾後勒銘伊犁碑文

天之所培者人雖傾之不可殛也

天之所覆者人雖裁之不可殖也嗟汝準噶爾何狙詐  
相延以世而爲賊也強食弱衆凌寡血人於牙而蔑  
知悛易也云興黃教敬佛菩薩其心乃如夜叉羅刹

之以人爲食也故罪深惡極自作之孽難追活也先  
是分封四部衆建宰桑四圖什墨廿一昂吉蓋欲繼  
絕舉廢以休以息也而何煽亂不已焦爛爲期終於  
淪亡胥盡伊犁延袤萬里寂如無人之域也是非我  
佳兵不戢以殺爲德也有弗得已耳西師之什實紀  
其詳悉也以其反復無常遲益久而害益深則其叛  
亂之速未嘗非因禍而致福也是蓋

天佑我皇清究非人力也伊犁旣歸版章久安善後之  
圖要焉已定者詎宜復失也然屯種萬里之外又未

可謂計之得也其潛移默運惟

上蒼鑒之予惟奉時相機今日之下亦不敢料以逆也是平定準噶爾後勒銘伊犁之碑所由作也

巴顏台。

巴顏台。在伊犁郭勒北。惠寧城東南。有屯田。

烏哈爾里克。

烏哈爾里克。在伊犁郭勒北。乾隆二十七年。建綏定城。周四里一分門四。東曰仁熙。西曰義集。南曰利渠。北曰寧漠。城北為蘆草溝。喇嘛寺溝。

俱有屯田。

塔勒奇。

塔勒奇在伊犁北一百二十里建小城一。周三分。有屯田。城西北為獨山子。清水河。城北為大西溝。大東溝。小東溝。城西為察罕烏蘇。均有屯

田

凡屯田俱見屯政門

沙布爾托海。

沙布爾托海。在伊犁西南一百四十里。又西南行八十里為托里。山谷聯延。並設卡倫。又西行

入伊犁西路界。

博羅塔拉。

博羅塔拉在伊犁東北三百里。塔勒奇鄂拉拱其南。博羅和洛鄂拉罕哈爾察海鄂拉環其西。阿勒坦特布什鄂拉屏其北。博羅塔拉郭勒自西北來。東南流。鄂托克賽里郭勒自西南來。東北流。至博羅塔拉而合。又分流遶其南北。又合而東流。入布勒哈齊淖爾。水甘土肥。形勢殊勝。乾隆二十年五月。將軍班第率師討準噶爾至。

此有庫圖齊納爾鄂拓克宰桑莎撒賚者。以其屬七百餘戶。赴軍前降。博羅塔拉河源游牧之宰桑和通額默根等亦內附。平伊犁後。阿睦爾撒納冀爲四衛拉特總台。吉不得擁衆竊據于此。前準噶爾舊宰桑馮木特者。爲邊臣所執。素以勇聞。釋之。且授職。屢敗撒納。後來歸。且陳撒納狡詐不可信狀。二十年五月。隨將軍班第駐伊犁。猝遇變。爲叛黨哈丹所獲。縛見撒納。不爲屈。且罵其負義。撒納慙憤。縊殺之。十一月。撒納

將以其黨阿巴噶斯哈丹往劫綽羅斯嗣諾爾  
布林沁伊犁眾台吉宰桑等不從計擒撒納來  
獻適薩拉爾公丹拜在伊犁眾台吉等因之以  
兵二道進擒撒納一出博羅布爾噶蘇鄂拉口  
一出塔勒奇鄂拉口十一月會眾鄂托兵于托  
和木圖撒納禦之眾鄂拓兵敗回人和卓木夾  
擊撒納奔次于烘郭爾鄂博二十一年正月將  
軍策楞等進討阿睦爾撒納北走哈薩克博羅  
塔拉遂入版圖

御製馮木特詩

丙子

厄魯馮木特本其舊宰桑領眾扎哈沁

扎哈沁者守邊界之人也

所職守邊疆昔奉其主命侵掠我駝羊

事在雍正八年西鄙

眾軍士羣知勇異常前歲三策凌

都爾伯特策凌孟

克彼中謂之三策凌嚮化入相望馮木特親追闌進我卡塘弗

及乃退出未敢肆猖狂維時予有命邊臣爾何恇

時

烏里雅蘇台防邊者為副都統達青阿隘界等無人

不擒汝罪當邊臣聞乃懼誘致奏九閫予謂不明討

計誘失斟量命釋馮木特薄責勵戎行阿睦爾撒納

彼中久披猖馮木特與戰屢勝兵威揚撒納大窮蹙始決親來降侵尋彼大亂我師壓境強馮木特亦歸優眷加冠裳進兵命與議造膝陳言良撒納今雖順其心乃豺狼不可命彼往往必為厲殃予云不逆詐遣彼亦何妨使其顯背叛正罪往斧吭亡何定伊犁亡何逆蹟彰譎賊謀夙定煽亂為鴟張馮木特力寡勁敵歸途塘馮木特與將軍班第等同駐伊犁尋以養痾他適無兵衛比間變將脫歸為叛猶手刃三賊力盡馬亦僵被擒見撒納不屈黨哈丹氣更昂逆賊責之云衛拉天各方汝何心向內同類

而相戕馮木特唾之理義人之綱舊主嗣早絕謂爾丹

策匪我獨契忘大君惟討逆信義昭煌煌擒我復捨

之既歸恩遇滂于恒尙應報起死可弗償嚮內非獨

我汝先沐寵光一死我弗懼駢誅汝立亡逆賊慙無

言綬縊厥命傷伊犁重底定游魂走踉蹌脅從以次

擒生致明憲章問以馮木特畢知顛末詳烈士何處

無未可分域鄉錄實隳括詞千載流聲芳

唐書突厥傳賀魯已滅以攝舍提嚧部為雙河

都督府地理志雙河都督府隸北庭都護府攝

舍提噉部置

按攝舍提噉部。爲當時咄陸五噉之一。五咄陸部居碎葉東。攝舍提噉部在雙河上。後爲都督府。亦以雙河名。據突厥傳及蘇定方本傳。西逐賀魯至雙河二百里。抵其牙。賀魯西跳伊麗水。伊麗水卽今伊犁郭勒。是當時賀魯牙。在今伊犁。其東二百里之雙河。卽鄂拓克賽里。庫色木蘇克。諸河之匯入布勒哈齊淖爾者也。考其方位。今博羅塔拉爲雙河都

督府舊境無疑

幹珠罕

幹珠罕。在博羅塔拉西南。察罕賽喇木淖爾北。自塔勒奇東北行九十里至其地。又西行踰博羅塔拉郭勒。六十里爲碩波圖。又西北行二百餘里爲庫克托木。又自幹珠罕東行一百八十里爲莎達巴。又東行五十里爲達蘭沁。又東行六十里爲哈布齊垓。俱在博羅塔拉郭勒北境。列山如屏。谿谷深邃。並設卡倫于此。



阿里瑪圖。

阿里瑪圖。在伊犁郭勒北察罕烏蘇之西。南距伊犁一百里。阿里瑪圖郭勒。經流其地。

烏爾圖古爾畢。

烏爾圖古爾畢。在阿里瑪圖東北九十里。南距喀什郭勒。北距庫色木蘇克郭勒。西南距伊犁一百四十里。

博羅布爾噶蘇。

博羅布爾噶蘇。在烏爾圖古爾畢東北六十里。

卽博羅布爾噶蘇鄂拉西谷口外地。舊爲輝特

台吉唐古忒游牧之地。乾隆二十年五月。大兵

抵伊犁。率所屬一千戶內附。地爲伊犁東境門

戶。自博羅布爾噶蘇北行稍折而西。當庫色木

蘇克郭勒發源處。並設卡倫。自博羅布爾噶蘇

東北踰山。接晶河界。

都爾伯勒津。

都爾伯勒津。在伊犁東一百二十里。空格斯郭勒自東南來。喀什郭勒自東北來。特克斯郭勒。

自西南來。交會于此。

空格斯。

空格斯。在都爾伯勒津東南三百二十里。地勢寬平。氣候溫暖。饒水草。宜耕牧。爲伊犁東南最近要地。其全境形勝。則納喇特達巴峙其南。烏得音達巴繞其東。阿布喇勒鄂拉障其北。三面峯巒環抱。而空格斯郭勒。復襟帶其間。南會特克斯郭勒。北會喀什郭勒。羣赴伊犁。以爲歸宿。山朝水束。爲西域形勢之冠。舊爲準噶爾烏魯

特。霍爾博斯鄂拓克游牧之所。

唐書突厥傳西突厥。由焉耆西北七日行得南庭。地理志突騎施部置都督府。隸北庭都護府。

按今由哈喇沙爾西北。至空格斯六百里。卽突厥傳所謂由焉耆西北七日行得南庭者。則今之空格斯。當爲西突厥南庭。其地附近伊犁。又當與喀什均爲突騎施部之東境也。喀什。

喀什。在空格斯北。爲伊犁東最近要地。與空格

斯相唇齒。形勢殊勝。乾隆二十年五月。將軍班第。尚書鄂容安。駐防伊犁。阿睦爾撒納叛。從賊宰桑克什木。巴桑等應之。八月。以五千兵進犯。班第等督兵迎勦。至哈什力。戰陷堅。賊兵圍之。數重。班第鄂容安。度不免。以將軍印授其屬富錫爾。問道賚還。乃手殺數賊而死。其屬額納伸。巴寧阿。亦自殺。既而甦。巴桑監之數月。乘間歸。富錫爾道遇賊。將劫其印。幾被害。乃沈印于河。力戰免。二十四年。西域平。哈什入版圖。三十二

其年。年建雙烈祠。祀定北將軍班第。議政大臣鄂容

安。

御賜匾曰。漠陞競烈。

御製雙烈詩 丙子

雙烈者。例雙忠詩而作也。昔駐藏都統傅清。左都御史拉布敦。誅叛臣朱爾墨。特納木扎爾。以人少力微。二臣死事。然究能鋤元兇。而安絕域。故臨奠建祠。並有雙忠之詩。以揚其勳。去歲命定北將軍班第。議政大臣鄂容安。駐伊犁時。二臣既奏阿睦

爾撒納有反志朕命便宜從事庶幾消患未然乃  
二臣觀望疑慮以致免脫而賊黨反得結連赴約  
襲我軍營二臣力不能敵捐軀沙場猶之死王事  
也一以勇決建績一以徘徊償事然而臨難致命  
奮不顧身有足哀者今大兵旣靖伊犁逆賊窮蹙  
逃竄不日獻俘二臣靈輦至京之日朕亦親臨醮  
奠並成是什雙烈云者蓋不如雙忠之盡善矣  
昔有傅介子手斬樓蘭頭通權建殊績芳名播千秋  
况乎統三軍旣悉彼逆酋一武夫之力何事仍夷猶

逡巡大軍徹偏師五百留彼梟有密約入覲中逗遛  
八月廿五日三處共一謀阿睦爾撒納來阿爾台陁  
將合其部衆挈妻孥以逃叶是則預有旨其妻孥盡  
收厥阿巴噶斯斷我軍書郵克什木巴桑伊犁逞劫  
偷兩路如期發猖狂肆叫叶蜂屯更蟻雜不可爬  
與梳叶二臣知不敵全軍將內投而彼截歸路加以  
聚蚍蜉巴桑謀致詞權假爲我速徐當備馬馳送之  
返皇州二臣怒唾罵天朝無此媮効死視如歸背義  
生肯求奮旅更前進氣髮衝兜鍪終知事不濟畢命

願屬鏤叶問罪重整師豈辭雪載途

納叶 叛 阿睦爾撒

難成者皆以為不出其所料伊犁卒不能平朕料叛賊

陰險多詐其得在此其失亦在此伊犁之眾不過一

時附和終不能人盡從彼若少延緩則叛賊又將別

生變詐反失事機因正示常恒怯退師之罰急趣西

路軍帥刻期進剿旋於今春旋復定伊犁脅從寬厥

直達伊犁逆賊失據奔竄尤一二助惡者謂阿巴斯繫虜皆虔劉渠魁竄異

域王師奮遐搜亦聞哈薩克縛獻深同讐命求二臣

骨靈輿返首邱臨奠例雙忠惜哉淚湧流初若聽我

言寧有今日不忠于國有濟烈惟已不渝叶究匪貪

生比使我悲心悠朱門歌舞輩青史文章儔我豈為

彼哉長歌旌乃休

御製三巴圖魯歌丙子

巴圖魯者勇冠軍昔我族人頗恒有近世以來殊不

聞蓋因太平日已久歲寒松栢見後凋當春何以殊

榆柳邇者西鄙屬用軍折衝咸欲效奔走舒布圖鎧

已超羣三巴圖魯亦赳赳其一額納伸去歲伊犁從

將軍將軍使彼詢事因單騎逕入眾賊羣左支右繼

箭斃數人知事不濟拔刀自刎期報君其一巴寧阿

讀作 麻韻倉卒亂時將軍前後護衛相蔽遮發無不中中

無不死殺人如麻將軍遣之出巴寧阿日朝廷命官  
偷生安往耶力敵視將軍盡節然後伏劍義烈真堪  
嘉二人既死還復甦宰桑巴桑得之壯其志養之數  
月我師再入方得歸軍牙其一日富錫爾將軍命之  
攜印以出歸帝里其奈賊人擁蜂更屯蟻料不能出  
將印沉之水力戰更創命垂盡伊犁喇嘛救之得不  
死故賜額納伸曰卓里克圖巴圖魯卓里克圖者節  
義卓爾永不渝賜巴寧阿曰昆都爾巴圖魯昆都爾  
者力敵萬人暇有餘賜富錫爾曰哈布台巴圖魯哈

布台者穿揚貫石技不殊迴思去歲迅功成亡矢遺  
鏃夫何曾不期小醜逆志萌未能除蔓我二卿乃致  
沙場雙捐生亦我坐謀遙未精嘉我旅人多忠誠舊  
風未遠垂儀型愉以爲戚留定評乃至西海揚芳聲

納拉特。

納拉特。在哈什南。卽納拉特達巴比麓地。又東  
北五十里爲烏努固特。境當險隘。伊犁東南境  
卡倫設此。

裕勒都斯。

裕勒都斯。舊對音爲朱爾都斯。在空格斯東南  
二百里。踰山而至。東西六百里。南北二百里。巴  
倫裕勒都斯郭勒東流。準裕勒都斯郭勒西南  
流。合而東流經其地。四面皆山。地饒水草。宜蓄  
牧。伊犁東南屏嶂也。舊爲準噶爾克里野特鄂  
拓克游牧之所。其東境爲庫本諾雅特部。係達  
什達瓦之昂吉。東境有地曰阿勒坦烏遜。西境  
有地名哈爾噶朗圖。唐書突厥傳賀魯已滅。以鼠尼施處半部爲鷹

登娑都督府。地理志。鷹娑都督府。以鼠尼施處半  
部置。隸北庭都護府。回鶻傳。契苾。亦曰契苾羽。  
在焉耆西北。鷹娑川多覽葛之南。其酋哥楞。自  
號易勿真莫賀可汗。弟莫賀咄特勒。皆有勇。子  
何力尙紐率其部來歸。時貞觀六年也。詔處之  
甘涼間。以其地爲榆溪州。

按唐以處半部爲鷹娑都督府。而契苾在鷹  
娑川上。應屬連壤。今哈喇沙爾爲古焉耆。裕  
勒都斯。當哈喇沙爾西北境。宜爲契苾故地。

也。裕勒都斯郭勒。卽鷹娑川。唐時謂之榆溪。貞觀六年。契苾內屬。以其地爲榆溪州。則東西裕勒都斯。又當爲榆溪州地。

哈布齊垓。

哈布齊垓。在裕勒都斯東一百八十里。三哈布齊垓郭勒經流其地。中爲多木達都哈布齊垓。左爲準哈布齊垓。右爲巴倫哈布齊垓。相距各三十里許。登努勒台。

登努勒台。在哈布齊垓東天山南麓。地饒水草。隋書鐵勒傳。鐵勒之先。匈奴之苗裔也。自西海之東。依據山谷。往往不絕。伊吾以西。焉耆之北。傍白山。則有契弊。薄落職。乙啞。蘇婆那。曷烏謹。紇骨也。啞。於尼謹等。

按鐵勒部於隋唐間。北界突厥。南連四鎮。在天山一帶山谷之間。此隋書所云在伊吾西。焉耆北者。專指契弊諸部而言。今之登努勒台。居焉耆北境。傍近白山。是其地也。據唐書



契苾在焉耆西北。疑隋時契弊。正居焉耆之北。至唐稍西。遷近鷹娑川。苾弊音同。字之訛也。又按自此東南行。入阿拉葵西谷口。又東行三百里。出東谷口。接關展界。

欽定皇輿西域圖志卷之十二

天山北路三

疆域六

伊犁西路

和爾郭斯

哈討

摩垓圖

哲克得

雅木勒克

察臣哈喇

哈喇塔勒

達蘭呼都克

托博隴

庫克車勒

圖古里克

庫爾圖

古爾班阿里瑪圖

塔拉噶爾

圖爾根

欽定皇朝西域圖志卷之十三目錄

古爾班察畢達爾

古爾班沙濟咳

塔拉錫克

沙圖

庫爾墨圖

古爾班呼蘇台

古爾班薩里

春濟

庫納薩爾

烏蘭哈勒噶

濟爾噶朗

圖爾根阿察

古爾班哲爾格斯

阿爾沙圖

特布克

野特庫斯

招哈

古爾班伊勒噶齊

巴勒滾

塔瑪噶

托薩爾

通

阿克賽

烘郭爾鄂籠

科什噶爾

裕勒阿里克

什巴爾圖和碩

吹

薩勒奇圖

沙木什

格格圖布拉納

阿什圖

達布蘇圖

阿爾察克圖

伊蘭巴什

庫努克薩爾

索郭魯克

哈喇巴勒圖

古爾班哈納圖

阿什布里

和爾袞

英噶爾

伯得里克

額得墨克

塔拉斯

烏勒木木納爾

薩爾巴噶什

古爾巴噶什  
合陳巴噶什  
柔得魯克

欽定皇輿西域圖志卷之十三

疆域六 自伊犁西北行北至巴勒喀什淖爾

自天山北路三

伊犁西路 自伊犁西北行北至巴勒喀什淖爾

西至吹塔拉斯俱連沙磧通藩屬右哈薩克界

東北接藩屬左哈薩克界東接伊犁東路界南

至天山逾山接天山南路阿克蘇烏什界

和爾郭斯

和爾郭斯在伊犁西一百三十里有屯田自和

爾郭斯西北行六十里。為奇齊克。又西行六十里。為奎屯。又南行六十里。為惠番。又自奎屯西北行六十里。為博羅呼濟爾。又自奎屯西行九十里。至烘和爾鄂籠。皆在伊犁郭勒北境。層山枕疊。地當險要。並設卡倫於此。又西為庫隴奎鄂拉。  
哈討。在伊犁郭勒北岸。庫隴奎鄂拉南五十里。摩垓圖。西對圖志卷之十三

摩垓圖。在哈討東北一百里。庫克烏蘇。哈喇塔勒兩河之間。  
哲克得。在摩垓圖東北八十里。踰河至其地。雅木勒克。在哲克得西北六十里。察臣哈拉。在雅木勒克西北五十里。兩河之間。北傍巴勒喀什淖爾。

哈喇塔勒。

哈喇塔勒。在巴勒喀什淖爾南。格登鄂拉北。

達蘭呼都克。

達蘭呼都克。在哈喇塔勒西二十里。巴勒喀什

淖爾南。格登鄂拉北五十里。

托博隴。

托博隴。在巴勒喀什淖爾南。舊為準噶爾額爾

克騰鄂拓克游牧處。

庫克車勒。

庫克車勒。在巴勒喀什淖爾南。阿勒坦額墨爾

鄂拉北。

圖古里克。

圖古里克。在庫克車勒南一百里。伊犁郭勒北。

唐書突厥傳。咄陸可汗弟同娥設。立為沙鉢羅

唃利失可汗。後西部自立。欲谷設。為乙毗咄陸

可汗。乃因伊列河。約諸部。河以西受令於咄陸。

其東唃利失主之。自是西突厥又分二國矣。

案唐時沙鉢羅唃利失可汗。分國為十部。居

碎葉東西。是啞利失初轄之境甚廣。至西部復立乙毗咄陸可汗之後。乃因伊列河為界。啞利失僅主河東之地。今自哈討至圖古里克。屬伊犁郭勒東北境。是在唐時伊列河東者。宜為西突厥既分二國之後。啞利失所轄之西境也。

庫爾圖。

庫爾圖。在伊犁郭勒南二十里。踰一支河至其地。舊為準噶爾布庫斯鄂拓克游牧處。

古爾班阿里瑪圖。

古爾班阿里瑪圖。在伊犁郭勒南庫爾圖東二十里。踰兩支河至其地。舊屬準噶爾庫本諾雅古特部鄂齊爾烏巴什之昂吉。

塔拉噶爾。

塔拉噶爾。在伊犁郭勒南。阿里瑪圖東四十里。踰一支河至其地。地有三泉。

圖爾根。

圖爾根。在伊犁郭勒南岸。塔拉噶爾東二十里。



踰一支河至其地。舊爲準噶爾多果魯特鄂拓克游牧處。

克爾班察畢達爾。

克爾班察畢達爾。在伊犁郭勒南岸。圖爾根東三十里。

古爾班沙濟垓。

古爾班沙濟垓。在伊犁郭勒南岸。古爾班察畢達爾東三十里。地有三泉。塔拉錫克。

塔拉錫克。在伊犁郭勒南二百里。踰阿克固雅斯郭勒。塔拉錫克郭勒至其地。

沙圖。

沙圖。在塔拉錫克南六十里。踰河至其地。西爲烏蘭烏蘇。東爲鄂台郭勒。

庫爾墨圖。

庫爾墨圖。在沙圖西三十里。

古爾班呼蘇台。

古爾班呼蘇台。在庫爾墨圖西三十里。

古爾班薩里。

古爾班薩里。在古爾班呼蘇台西三十里。

唐書突厥傳沙鉢羅唃利失可汗分其國為十部。部以一人統之。人授一箭。號十設。亦曰十箭。

為左右。左五咄陸部。置五大噶居碎葉東。

右五噶失

畢部詳見後額得墨克條

又賀魯已滅。突騎施阿利施部為

絜山都督府。

案唐時碎葉川為今之圖斯庫勒。

詳見水

突厥

唃利失可汗置五大噶。所謂五咄陸部居碎

葉東者。當在今圖斯庫勒之東。跨伊犁郭勒

左右也。五咄陸部中。突騎施索葛莫賀部為

噶鹿州都督府。突騎施阿利施部為絜山都

督府。噶鹿州都督府。在今伊犁

說見前卷

其絜山

都督府。必與噶鹿毗連者。今日哈討至古爾

班薩里。凡屬伊犁郭勒下流左右環抱水草

豐饒之境。其為絜山都督府地可知。又考突

厥傳。其後西部別立乙毗咄陸可汗。因伊列

河約諸部。河西受令於咄陸。在今則自伊犁

郭勒。西至圖斯庫勒。吹塔拉斯諸地。皆乙毘咄陸可汗所轄。而附近伊犁西南岸。自奎屯庫爾圖。至古爾班薩里一帶。應屬乙毗咄陸可汗所轄之東境也。又案突騎施烏質勒。以碎葉川為大牙。伊麗水為小牙。兩牙之間。皆其故壤。其在於今。則自伊犁郭勒。至圖斯庫勒。又當為烏質勒地。  
以上自伊犁西北行。至巴勒喀什淖爾之葉路。昔當在今圖漫載嶺之東。即今準淖爾

春濟。

春濟。在伊犁西南三百里。又西南六十里為塔木哈。又西南行一百里為特木爾里克。又南行三十里至格根。又南行四十里為呼圖克拜。又南行二十里為鄂爾和珠爾。又南行四十里為哈爾奇拉。山谷聯延。並設卡倫。是為伊犁西南境。又南踰山接回部賽喇木界。  
庫納薩爾。

庫納薩爾。在伊犁西南二百里。特克斯郭勒發

源處。

烏蘭哈勒噶。

烏蘭哈勒噶。在庫納薩爾西二百里。西北距圖斯庫勒一百里。

濟爾噶朗。

濟爾噶朗。在烏蘭哈勒噶東南十里。踰一小嶺至其地。西北距圖斯庫勒一百餘里。

圖爾根阿察。

春圖爾根阿察。在濟爾噶朗西南二十里。踰一支

河至其地。西北距圖斯庫勒一百里。

古爾班哲爾格斯。

古爾班哲爾格斯。在圖爾根阿察西北五十里。

西北距圖斯庫勒五十里。地有三泉。出南山。咸

匯入於圖斯庫勒。又自此西行至烘郭爾鄂籠。

凡圖斯庫勒南岸地。總名特木爾圖。其南境為

天山正幹之木素爾鄂拉薩瓦布齊鄂拉。

阿爾沙圖。

阿爾沙圖。在圖斯庫勒東南岸。相傳其地有溫

泉。

特布克。

特布克。在圖斯庫勒東岸支河之間。

野特庫斯。

野特庫斯。在阿爾沙圖西三十里。東為哈喇郭

勒。西為大小烏蘭烏蘇。

招哈

招哈。在圖斯庫勒南岸。野特庫斯西四十里。踰

大小烏蘭烏蘇至其地。

古爾班伊勒噶齊。

古爾班伊勒噶齊。在圖斯庫勒南岸。招哈西三

十里。

巴勒滾。

巴勒滾。在圖斯庫勒南岸。古爾班伊勒噶齊西

二十里。

塔瑪噶。

塔瑪噶。在巴勒滾西二十里。

托薩爾。

托薩爾。在圖斯庫勒南岸。塔瑪噶西十五里。踰一支河至其地。

通。在圖斯庫勒南岸。托薩爾西十五里。踰一支河至其地。

阿克賽。

阿克賽。在圖斯庫勒南岸。通西二十里。踰一支河至其地。

烘郭爾鄂籠。

烘郭爾鄂籠。在圖斯庫勒南岸。阿克賽西二十里。踰一支河至其地。又西為烏布什布拉克。又西為鄂拉郭勒。自阿爾沙圖至此東西四百里之間。水草豐饒。地宜游牧。舊為準噶爾和碩特部。沙克都爾曼濟之昂吉。

科什噶爾。

科什噶爾。在圖斯庫勒西岸。

裕勒阿里克。

裕勒阿里克。在圖斯庫勒西岸。

什巴爾圖和碩。

什巴爾圖和碩。在圖斯庫勒東岸。南北兩支河之間。又西五十里爲哈喇諾海。又西三十里爲沙圖。又西五十里爲庫爾墨圖。又西四十里爲推圖墨克。又西三十里爲察伊巴哈圖。又西三十里爲和岳爾察罕烏蘇。又西四十里爲古爾班薩里。又西四十里爲古爾班克敏。皆圖斯庫勒北岸地。水草之利。遜於南岸。

唐書王方翼傳。方翼築碎葉城。面三門。紆還多

趣以詭出入。五旬畢。西城胡縱觀。莫測其方畧。

地理志。北庭都護府。注。渡伊麗河。一名帝帝河。

至碎葉界。又西行千里至碎葉城。又碎葉川口八十里至裴羅將軍城。又西二十里至碎葉城北。有碎葉水。突厥傳。定方追賀魯至碎葉水。盡奪其衆。突騎施烏質勒屯碎葉西北。稍攻得碎葉。卽徙其牙居之。謂碎葉川爲大牙弓月城。其城東鄰北突厥。西諸胡。東直西庭州。盡并斛瑟羅地。其子嗚鹿州都督娑葛。後與弟遮弩分治

其部遮弩叛歸默啜。默啜擊娑葛禽之。并殺遮弩。突騎施別種車鼻施啜蘇祿者。哀拾餘衆復雄西域。開元五年始來朝。授右武衛大將軍。突騎施都督蘇祿子吐火仙骨啜爲可汗。居碎葉城。磧西節度使蓋嘉運率石王。史王。共擊蘇祿子。破之碎葉城。吐火仙棄旗走。禽之。西域傳跋祿迦西北五百里。至素葉水城。比國胡商雜居。細葉川西有碎葉城。

案唐碎葉水爲今之圖斯庫勒。詳見水所謂碎

葉城者。當在今圖斯庫勒南水草豐饒之地。當時賀魯西遁。跳渡伊麗水。是以定方追之。至於碎葉而奪其衆也。突騎施屯碎葉西北。當在今圖斯庫勒西北境。所謂攻得碎葉而徙其牙居之者。應卽碎葉水南之碎葉城。然考烏質勒傳。攻得碎葉之後。以碎葉水爲大牙。伊麗水爲小牙。疑當時烏質勒舊屯伊麗水上。西攻得碎葉而徙爲大牙。因以舊屯爲小牙。則舊屯當在碎葉東北。西字係東字之



訛也。裴羅將軍者。回紇骨力裴羅。初與葛邏祿稱左右葉護。後襲破拔悉密。自稱骨咄祿毘伽闕可汗。又攻殺突厥白眉可汗。遣使上功拜左驍衛員外大將軍。當時必曾建城於碎葉川口。故稱裴羅將軍城。又二十里至碎葉城。是兩城東西相距不遠。咸在水南。所謂西行千里至碎葉城者。自伊麗河至城及千里也。地理志云碎葉城北有碎葉水。又云城在川西者。緣碎葉川支流四出。西北通吹郭

勒。吹郭勒經流千里。其甫出圖斯庫勒二三百里間。亦得名碎葉水也。唐跋祿迦卽漢姑墨。在今賽喇木。拜諸城之西。當圖斯庫勒東南境。西北至圖斯庫勒之南山。徑紆迴約五百餘里。亦與唐書西域傳跋祿迦西北五百里。至素葉水城之說合。至王方翼築碎葉。應卽素葉水城。唐書地理志載入焉耆都督府下者。因當時方翼爲安西都護。焉耆都督府亦隸安西。故誤及之耳。

吹。

吹。在吹郭勒南岸。自圖斯庫勒西北二百里之  
薩勒奇圖。又西北行五百餘里。統曰吹。其地水  
草豐饒。最宜游牧。其東北境為伊爾該圖鄂拉。  
又北踰山接左哈薩克界。

薩勒奇圖。

薩勒奇圖。在吹郭勒南岸支河之間。東南距圖  
斯庫勒二百里。

沙木什。

沙木什。在吹郭勒南岸。薩勒奇圖西二十里。踰  
一支河至其地。至其地。

格格圖布拉納。

格格圖布拉納。在吹郭勒南岸。沙木什西三十  
里。兩水之間。踰兩支河至其地。

阿什圖。

阿什圖。在吹郭勒南岸。格格圖布拉納北支河  
之間。近傍吹郭勒。東為烏蘭烏蘇。

達布蘇圖。

達布蘇圖。在吹郭勒南岸。阿什圖西南三十里支河之間。

阿爾察克圖。

阿爾察克圖。在吹郭勒南岸。達布蘇圖西三十里支河之間。

伊蘭巴什。

伊蘭巴什。在吹郭勒南岸。阿爾察克圖西南五十里。踰一支河至其地。

庫努克薩爾。

庫努克薩爾。在吹郭勒南岸。阿爾察克圖西四十里支河之間。

索郭魯克。

索郭魯克。在吹郭勒南岸。庫克薩爾西三十里支河之間。其西境支河名察罕烏蘇。

哈喇巴勒圖。

哈喇巴勒圖。在吹郭勒南岸。索郭魯克西三十里支河之間。踰烏蘭烏蘇至其地。

古爾班哈納圖。

古爾班哈納圖。在吹郭勒南岸。哈喇巴勒圖西三十里。

阿什布里。

阿什布里。在吹郭勒南岸。古爾班哈納圖西南五十里。兩支河之間。又西南有河。名墨爾根郭勒。

和爾袞。

和爾袞。在吹郭勒下流南岸。東傍支河。西連沙磧。自薩勒奇圖至此。東西五百里。南北三百里。

舊為準噶爾訥默庫濟爾噶爾巴圖爾烏巴什。和通額默根之昂吉。

唐書西域傳細葉川。長千里。有異姓突厥。兵數萬。耕者皆環甲相掠為奴婢。

案細葉川長千里。應即碎葉水之西北出者。在今則為吹郭勒。自圖斯庫勒西北出。經流千餘里。入於和什庫勒者也。吹郭勒之南。水草豐饒。當為異姓突厥居處。

英噶爾。

英噶爾。在圖斯庫勒西南二百餘里。踰山而至。伯得里克。

伯得里克。在英噶爾西南一百里。自英噶爾至此。又西行三百里。四圍皆山。中渟大澤。名森格爾。淖爾。宅幽勢敞。東西五百里。南北三百里。頗占形勝。其南百里。踰山至托什干達里雅。通回部之烏什城。

唐書西域傳石東南千餘里。有捕捍者。山四環之。地膏腴。多馬羊。西千里。距堵利瑟那。東臨素葉水。水出蔥嶺北原。西北流入大磧。望大山。尋遺齒。知所指五百餘里。卽康也。

案唐石國地。爲漢大宛北鄙。當在今塔拉斯。郭勒之西。英噶爾。伯得里克在其東南。相距可千里。又東北與圖斯庫勒鄰接。圖斯庫勒。卽古素葉水。其地山形合沓。案之史傳所紀。大畧可見。則英噶爾西五百里之地。爲捕捍故壤。當不誣也。

額得墨克。

額得墨克。在圖斯庫勒西四百里。南臨額得墨克達巴。烏可克達巴。卽塔拉斯郭勒上流發源處。

唐書突厥傳。五弩失畢部。居碎葉西。弩失畢部有五俟斤。曰阿悉結闕俟斤。哥舒闕俟斤。拔塞幹。噉沙鉢俟斤。阿悉結泥孰俟斤。哥舒處半俟斤。西域傳。素葉城西四百里。至千泉。地贏二百里。南雪山。三垂平陸。多泉池。因名之。突厥可汗歲避暑其中。羣鹿飾鈴環可狎也。

案今圖斯庫勒爲碎葉川。卽素葉水。額得墨克居其西。應屬唐時五弩失畢部地。突厥傳所謂五俟斤。居碎葉西者也。又自圖斯庫勒至塔拉斯郭勒。約四百里。與唐書素葉城西四百里至千泉之說合。額得墨克一帶。卽塔拉斯郭勒上游支流所彙處。南倚額得墨克達巴。烏可克達巴。正所謂突厥可汗避暑處。南雪山而多泉池者。

塔拉斯。

塔拉斯。即塔拉斯郭勒下流左右濱河之地。舊為準噶爾都爾伯特部游牧處。伯什阿哈什之昂吉。西境有巴噶布魯勒鄂拉。伊克布魯勒鄂拉。有阿爾沙郭勒。阿克庫勒淖爾。必庫勒淖爾。唐書突厥傳。統葉護可汗勇而有謀。戰輒勝。因并鐵勒。下波斯。罽賓。控弦數十萬。徙庭石國北之千泉。遂霸西域諸國。

案唐之千泉。經流廣遠。今塔拉斯郭勒上流。自額得墨克下流。西北行千餘里。在唐總曰

千泉。石國為大宛北鄙。地更偏西。今突厥傳云石國北之千泉。是統葉護可汗建庭之處。應在塔拉斯郭勒下游之西。故云在石國北也。又唐書載有怛邏斯城。與塔拉斯音相近。其方位亦符。說詳後條。

烏勒木木納爾。

烏勒木木納爾。在塔拉斯郭勒上游西百里。東距圖斯庫勒五百里。又西北百里。為特木爾哈巴哈納。

唐書西域傳千泉西贏百里至咀邏私城亦比國商胡雜居有小城三百本華人爲突厥所掠羣保此尙華語又細葉川西屬怛邏斯城石常分兵鎮之突厥傳蘇祿子吐火仙骨啜爲可汗居碎葉城引黑姓可汗尔微特勒保怛邏斯城磧西節度使蓋嘉運和撫突騎施拔汗那西方諸國率石王莫賀咄吐屯史王斯謹提擊吐火仙禽之疏勒鎮守使夫蒙靈詵挾銳兵與拔汗那王掩怛邏斯城斬黑姓可汗與其弟撥斯入

曳建城回鶻傳至德後葛邏祿寢盛與回紇爭強徙十姓可汗故地盡有碎葉怛邏斯諸城

案唐書西域傳稱咀邏私城在千泉西百里又稱細葉川西屬怛邏斯城怛邏斯卽今塔拉斯邏與拉音之轉咀與怛字之訛也唐時千泉在素葉城西四百里怛邏斯城當在素葉城西五百里惟是兩城相距不遠是以吐火仙與黑姓可汗倚爲聲援而葛邏祿盡有碎葉怛邏斯城亦連類及之也城郭遺址雖



無可考。然案其方隅。証以道里。圖斯庫勒爲碎葉水。塔拉斯郭勒爲千泉。碎葉城旣近碎葉水。則怛羅斯城當近千泉。其地宜在今塔拉斯郭勒西境。烏勒木木納爾特墨爾哈巴哈納等處也。曳建城無可考。應亦與怛羅斯城相近。葉水西流。塔拉斯郭勒。千泉。西百里。薩爾巴噶什。薩爾巴噶什。在烏勒木木納爾西南二百里。西北有哈喇布拉達巴。又西北踰哈喇布拉郭勒。

有小澤曰明布拉克。南踰山嶺。入布魯特界。唐書西域傳咀邏私。卽怛羅斯城。西南羸二百里。至白水城。原隰膏腴。南五十里。有斂赤建國。又二百里至石國。品碑木木。薩爾巴噶什。案怛羅斯城旣在特墨爾哈巴哈納。烏勒木木納爾一帶。則薩爾巴噶什。正當其西南境。二百里外。白水故城。當在於此。斂赤建國。於他史無考。然爲南五十里之國。而其地復廣。當踰山而南矣。

又案唐書突厥傳。蘇定方追賀魯至碎葉水。賀魯陸運至石國蘇咄城。城主伊涅達干迎之。拘送石國。又西域傳稱石爲漢大宛北鄙。東北距西突厥。圓千餘里。在千泉之南。故康居小王窳匿城地。是石國故疆。當在塔拉斯。又郭勒下游之南。烏勒木木納爾。薩爾巴噶什。西境。由是西北入右部哈薩克界。南踰山入安集延諸部界。則所謂故康居窳匿城地。居大宛北鄙者。皆可以次而考。詳見第四十四

塔拉斯四十五卷藩屬。

三十三

以上自伊犁西行。至吹塔拉斯之路。

欽定皇輿西域圖志卷之十三

